

*BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA*

OBRADIVAČ:
*Stručna služba
i Sekretar Gradskog vijeća*

*IZVJEŠTAJ
O RADU GRADSKOG VIJEĆA
ZENICA ZA 2022. GODINU*

Zenica, februar 2023. godine

I – UVOD

Razmatranje izvještaja o radu Gradskog vijeća za 2022. godinu utvrđeno je Programom rada Gradskog vijeća Zenica za period 01.01.-31.12.2023. godine i predstavlja, između ostalog, i realizaciju zadataka postavljenih u Programu rada Vijeća za 2022. godinu.

U protekloj godini Vijeće je održalo ukupno 17 sjednica od kojih su 13 redovnih, 3 hitne i jedna sjednica svečanog karaktera.

Izvještaj o radu Vijeća za 2022. godinu predstavlja retrospektivu aktivnosti ovog organa u prethodnoj godini s analizom stepena realizacije usvojenog programa rada, kojim su obuhvaćene teme iz oblasti u neposrednoj funkciji ostvarivanja uloge Vijeća.

Može se konstatovati da je Gradsko vijeće Zenica u principu realizovalo svoj Program rada za 2022. godinu, razmatrajući ukupno 135 tačaka dnevnog reda koje su zbog svoje kompleksnosti često sadržavale i podtačke tako da se može konstatovati da je Gradsko vijeće razmatralo veći broj tema od utvrđenog Programom rada za 2022. godinu.

Vijeće je, pored realizacije samog Programa rada, bilo otvoreno za sva značajna i aktuelna pitanja, posebno ona koja su u funkciji realizacije razvojnih projekata i poboljšanja društvenog ambijenta i uslova življenja u gradu Zenica.

Aktivnosti Gradskog vijeća su prikazane prema vrsti razmatranih materijala po oblastima, s posebnim osvrtom na rad radnih tijela Vijeća i metod rada Vijeća.

II – DRUŠTVENO-EKONOMSKI ODNOSI

Od programskih materijala i planskih dokumenata Vijeće je u oblasti društveno-ekonomskih odnosa u 2022. godini razmatralo i usvojilo:

- *Program rada Gradskog vijeća za period 01.01.-31.12.2022. godine;*
- *Prijedlog mjera za utrošak podsticajnih sredstava u oblasti poljoprivrede u 2022. godini;*
- *Program mjera za utrošak podsticajnih sredstava namijenjenih za oblast privrede u 2022. godini;*
- *Gender akcioni plan Grada Zenica za period 2022.-2025. godine;*
- *Vizija razvoja mjesnih zajednica u gradu Zenica.*

Od informativno-analitičkih materijala iz ove oblasti Vijeće je razmatralo i usvojilo:

- *Informaciju o realizaciji Programa mjera za unapređenje poljoprivredne proizvodnje u 2021. godini na području grada Zenica;*
- *Informaciju o realizaciji Programa mjera za utrošak podsticajnih sredstava u oblasti privrede u 2021. godini.*

Od izvještajnih materijala iz predmetne oblasti Vijeće je razmatralo i usvojilo:

- *Izvještaj o radu Gradskog vijeća Zenica za 2021. godinu;*
- *Izvještaj o radu Gradske uprave i Gradonačelnika za 2021. godinu;*
- *Izvještaj o radu Gradskog pravobranilaštva Zenica za 2021. godinu;*

- Izvještaj o izvršenju Budžeta Grada Zenica za 2021. godinu;
- Izvještaj o izvršenju Budžeta Grada Zenica za period I-III 2022. godine;
- Izvještaj o izvršenju Budžeta Grada Zenica za period januar-juni 2022. godine;
- Izvještaj o izvršenju Budžeta Grada Zenica za period I-IX 2022. godine;
- Izvještaj o radu Zeničke razvojne agencije ZEDA d.o.o. Zenica za 2021. godinu.

Razmatrajući pojedinačne izvještaje za 2021. godinu javnih preduzeća čiji je osnivač Grad Zenica, Vijeće je u 2022. godini usvojilo sljedeće izvještaje:

- a) Izvještaj o poslovanju PD „Regionalna deponija Mošćanica“ d.o.o. Zenica u 2021. godini;
- b) Izvještaj o poslovanju JP „Tržnica“ d.o.o. Zenica za 2021. godinu;
- c) Izvještaj o poslovanju Javnog preduzeća „Vodovod i kanalizacija“ d.o.o. Zenica za 2021. godinu;
- d) Izvještaj o poslovanju JP „Grijanje“ d.o.o. Zenica za 2021. godinu;
- e) Izvještaj o poslovanju JP „Gradsko groblje“ d.o.o. Zenica za 2021. godinu;
- f) Izvještaj o poslovanju JP „Parking servis“ d.o.o. Zenica za 2021. godinu;
- g) Izvještaj o radu JP „RTV Zenica“ d.o.o. Zenica za 2021. godinu;
- h) Izvještaj o radu i poslovanju JP za upravljanje i održavanje sportskih objekata d.o.o. Zenica za period od 01.01. do 31.12.2021. godine;
- i) Izvještaj o radu JP za prostorno planiranje i uređenje grada „Zenica“ d.o.o. Zenica za 2021. godinu.

Vijeće je razmatralo i nije usvojilo Godišnji izvještaj o poslovanju JP „ZENICAGAS“ d.o.o. Zenica za period 01.01.-31.12.2021. godine.

Od normativnih akata iz ove oblasti Vijeće je usvojilo niz odluka: Odluku o uspostavljanju prijateljstva i saradnje Grada Zenica i Općine Kušadasi, Odluku o dodjeli javnih priznanja povodom 20. marta - Dana Grada Zenica, Odluku o potvrđivanju rezultata izbora za članove savjeta mjesnih zajednica i druge. Pored navedenog Gradsko vijeće je razmatralo i donijelo veći broj odluka, rješenja i zaključaka iz oblasti imovinsko-pravnih odnosa, te veći broj rješenja o izboru i imenovanju.

Pregled normativnih akata dat je u prilogu ovog Izvještaja.

III – PROSTORNO UREĐENJE, KOMUNALNA DJELATNOST I EKOLOGIJA

U oblasti prostornog uređenja Vijeće je u 2022. godini razmatralo i usvojilo sljedeće akte:

- Odluku o usvajanju Nacrta Regulacionog plana „Poslovno-rekreativno turistička zona Zenica-Jug“;
- Nacrt Odluke o provođenju Regulacionog plana „Poslovno-rekreativna turistička zona Zenica-Jug“;

- Odluku o utvrđivanju prosječne konačne građevinske cijene 1m² korisne stambene površine na području Grada Zenica;
- Odluku o davanju saglasnosti za potpis Aneksa Ugovora o nastavku zajedničkog pothvata/aranžmana realizacije projekta izgradnje Trening centra NS/FS BiH u Zenici-II faza;

Od izvještajnih materijala iz predmetne oblasti Vijeće je razmatralo i usvojilo Izvještaj o provedenom postupku po objavljenom Javnom pozivu o prodaji neizgrađenog građevinskog zemljišta, putem neposredne pogodbe u Radnoj zoni Zenica I, dok je od planskih dokumenata razmatran i usvojen Plan korišćenja javnih površina na području Grada Zenica za 2022. godinu. Od informativnih materijala Vijeće je usvojilo Informaciju o korišćenju javnih površina na kojima su postavljeni kiosci na području Grada Zenica sa zaključcima predloženim u Informaciji.

U oblasti **komunalne djelatnosti i ekologije** Vijeće je razmatralo i usvojilo izvještajne, planske i programske dokumente kako slijedi:

- Izvještaj o realizaciji projekata izgradnje, rekonstrukcije i održavanja cestovne infrastrukture za 2021. godinu;
- Plan ulaganja u putnu infrastrukturu za 2022. godinu;
- Izvještaj o realizaciji ulaganja u oblasti vodoprivrede za 2021. godinu;
- Plan ulaganja u oblasti vodoprivrede za 2022. godinu;
- Izvještaj o realizaciji Programa utroška sredstava iz Fonda za ekologiju za 2021. godinu i Program utroška sredstava iz Fonda za ekologiju za 2022. godinu;
- Program organizovanja sezone grijanja 2021./2022. godina.

Pored navedenog, Vijeće je razmatralo i usvojilo Izvještaj Ureda za reviziju institucija u Federaciji Bosne i Hercegovine o finansijskoj reviziji JP „Grijanje“ d.o.o. Zenica za 2021. godinu i JP „Vodovod i kanalizacija“ d.o.o. Zenica za 2021. godinu.

Od normativnih akata iz oblasti komunalne djelatnosti i ekologije Vijeće je donijelo Odluku o izmjeni Odluke o zagrijavanju stambenog i poslovnog prostora grada Zenice daljinskim grijanjem i uslova za isporuku i preuzimanje toplotne energije iz vrelovodne mreže, Odluku o cijeni isporučene toplotne energije za grijanje stambenog i poslovnog prostora grada Zenice u sezoni grijanja 2022./2023. godine kao i Odluku o izmjeni Odluke o komunalnim djelatnostima zajedničke potrošnje.

IV – DRUŠTVENE DJELATNOSTI

U oblasti društvenih djelatnosti Vijeće je u 2022. godini razmatralo i usvojilo izvještaje o radu javnih ustanova iz oblasti kulture: Muzeja grada Zenice, Gradske biblioteke Zenica i Bosanskog narodnog pozorišta Zenica za 2021. godinu.

U oblasti predškolskog odgoja Vijeću je dva puta dostavljen na razmatranje i odlučivanje Izvještaj o radu JU Predškolski odgoj i obrazovanje Zenica u 2021. godini. Vijeće je u oba navrata predmetnu tačku skinulo s dnevnog reda tako da ista u konačnici nije ni razmatrana.

U oblasti zdravstva Vijeće je razmatralo i usvojilo izvještaje o radu javnih ustanova u oblasti zdravstva za 2021. godinu i to: Izvještaj o radu JU „Dom zdravlja“ Zenica za 2021. godinu i Izvještaj o radu JU Apoteka „Zdravlje“ Zenica za 2021. godinu.

Osim navedenog, Vijeće je u oblasti društvenih djelatnosti razmatralo i usvojilo Prijedlog Odluke o ustupanju na korištenje dijela objekta „Ambulanta porodične medicine, apoteka i prostorije mjesne zajednice“ Javnoj ustanovi „Dom zdravlja“ Zenica.

V – SOCIJALNA ZAŠTITA

Od izvještajnih materijala u oblasti socijalne zaštite u 2022. godini razmatrani su i usvojeni izvještaji o radu javnih ustanova kako slijedi:

- Izvještaj o radu JU Centar za socijalni rad Zenica u 2021. godini i Program rada Ustanove za 2022. godinu;*
- Izvještaj o radu JU „Dom-porodica“ Zenica za 2021. godinu;*

Vijeće je razmatralo i nije usvojilo Izvještaj o radu JU „Dom za stara lica Zenica“ Zenica za 2021. godinu.

U ovoj oblasti Vijeće je također razmatralo i usvojilo Izvještaj o radu Gradske narodne kuhinje za 2021. godinu.

VI – JAVNA BEZBJEDNOST

U oblasti javne bezbjednosti Gradsko vijeće je razmatralo i usvojilo sljedeće normativne akte:

- Odluku o određivanju prostora za mirna okupljanja bez prijave na području grada Zenica;*
- Odluku o zaštiti od požara i vatrogastvu;*
- Odluku o osnivanju profesionalne vatrogasne jedinice.*

Vijeće nije razmatralo Informaciju o radu PU I Zenica sa ocjenom stanja bezbjednosti za period januar-decembar 2021. godine, budući da ista nije dostavljena od strane obrađivača Gradskom vijeću na razmatranje.

VII – OBILJEŽAVANJE ZNAČAJNIH DOGAĐAJA

Vijeće je bilo uključeno u aktivnosti oko obilježavanja značajnih datuma: Dana državnosti Bosne i Hercegovine, Dana pobjede nad fašizmom, Dana Grada Zenica i drugih.

Na svečanoj sjednici Vijeća održanoj povodom Dana Grada Zenica, uručena su priznanja u skladu s ranije donesenom Odlukom o dodjeli javnih priznanja Zenice za 2022. godinu, a na prijedlog Ocjenjivačkog suda.

VIII – ODNOS PREMA PARLAMENTU FEDERACIJE BiH I SKUPŠTINI ZE-DO KANTONA

U okviru zaključaka donesenih povodom razmatranja aktuelnih problema, Vijeće je uputilo određeni broj zahtjeva i inicijativa prema Vladi F BiH i Vladi Zeničko-dobojskog kantona, odnosno resornim ministarstvima.

U principu, moglo bi se reći da komunikacija s višim nivoima vlasti u ovoj sferi nije rezultirala potrebnim i očekivanim efektima.

IX – ODNOS GRADSKOG VIJEĆA I GRADONAČELNIKA

Razmatrajući Izvještaj o radu Gradske uprave i Gradonačelnika za 2021. godinu Vijeće je sagledalo realizaciju utvrđenih zadataka i funkcioniranje izvršne vlasti, a time i rad službi.

Pored navedenog, potrebno je napomenuti da je Gradonačelnik, kao ovlašteni predlagač, davao uvodna izlaganja obraćajući se direktno vijećnicima i javnosti u vezi s najvažnijim pitanjima o kojima je Vijeće raspravljalo, uključujući i izvještavanje o poduzetim aktivnostima, mjerama i stepenu realizacije započetih projekata i aktivnosti na području Grada Zenica.

Na sjednicama Vijeća u 2022. godini održano je niz prezentacija, posebno iz oblasti prostornog uređenja. Također, vijećnicima je upriličena prezentacija prvonagrađenog rada na konkursu za izradu idejnog rješenja simbola Grada Zenica u središtu kružne raskrsnice na magistralnoj cesti M-17.

Gradsko vijeće, pored aktivnosti utvrđenih Programom rada Gradskog vijeća, podržalo je inicijative Gradonačelnika, sadržane u nizu prijedloga dostavljenih Vijeću na razmatranje, a posebno aktivnosti usmjerene ka stvaranju pozitivnog ambijenta u sferi ekonomije i poduzetništva, prostornog uređenja i komunalne djelatnosti, mjerama zaštite životne sredine, društvenih djelatnosti i socijalne zaštite i dr.

X – RAD RADNIH TIJELA VIJEĆA

U ukupnoj aktivnosti Vijeća u protekloj godini značajan doprinos dala su radna tijela Vijeća i Radno predsjedništvo Gradskog vijeća. Sastav i djelokrug rada radnih tijela koja su konstituirana kao stalna i povremena tijela utvrđen je Poslovnikom Vijeća.

Stalne komisije Vijeća redovno su razmatrale sjedničke materijale koji su iz okvira njihove nadležnosti i davale svoje stavove, prijedloge i mišljenja o istim.

Kao ilustracija aktivnosti pojedinih stalnih radnih tijela Vijeća navode se slijedeći podaci:

- Komisija za obilježavanje značajnih datuma, događaja i ličnosti održala je 16 sjednica sa ukupno 17 tačaka dnevnog reda;*
- Komisija za propise održala je 17 sjednica sa ukupno 75 tačaka dnevnog reda;*
- Komisija za izbor i imenovanja održala je 11 sjednica, sa ukupno 12 tačaka dnevnog reda;*
- Komisija za ekonomske odnose održala je 9 sjednica sa ukupno 23 tačke dnevnog reda;*

- Komisija za društvene djelatnosti, socijalni rad i boračko - invalidsku zaštitu održala je 7 sjednica sa ukupno 21 tačkom dnevnog reda;
 - Komisija za prostorno planiranje i ekologiju održala je 13 sjednica sa ukupno 38 tačaka dnevnog reda;
 - Komisija za pitanja mladih održala je 11 sjednica sa ukupno 62 tačke dnevnog reda;
 - Komisija za ravnopravnost spolova održala je 4 sjednice u izvještajnom periodu sa ukupno 4 tačke dnevnog reda;
 - Etička komisija imenovana od strane Gradskog vijeća, nadležna za praćenje i nadziranje poštovanja Etičkog kodeksa za izabrane zvaničnike Grada Zenica, održala je 14 sjednica sa ukupno 44 tačke dnevnog reda.
- Ocjenjivački sud za dodjelu javnih priznanja, kao specifično stalno tijelo Vijeća koje pokreće i vodi postupak dodjele javnih priznanja, održao je tri sjednice, te proveo proceduru za utvrđivanje Prijedloga odluke o dodjeli javnih priznanja u povodu 20. marta – Dana Zenice.
- Generalno gledano, može se konstatirati da je u izvještajnom periodu rad komisija Vijeća bio kvalitetan što je doprinijelo većoj efikasnosti rada Vijeća. Vijeće je, u principu, uvažavalo stavove komisija.

XI – VIJEĆNIČKA PITANJA I INICIJATIVE

Broj i struktura postavljenih vijećničkih pitanja upućuje na to da se vijećnici sve više afirmišu u pomenutom smislu. Postavljeno je 19 vijećničkih pitanja i podneseno 52 inicijative u toku izvještajnog perioda. Pripremljeni su odgovori na 13 vijećničkih pitanja i dostavljeni stavovi za 42 inicijative, dok su ostala vijećnička pitanja i inicijative u proceduri pripreme odgovora, odnosno stavova.

XII – PRISUSTVO VIJEĆNIKA SJEDNICAMA VIJEĆA

U protekloj godini na svim sjednicama Gradskog vijeća bio je obezbijeđen kvorum potreban za rad Vijeća.

Može se, također, konstatovati da se vijećnici, u principu, pridržavaju odredaba Poslovnika Vijeća, te blagovremeno vrše najavu odsustva, te kašnjenje na sjednicu Gradskog vijeća.

XIII – METOD RADA VIJEĆA

U pogledu metoda rada Vijeća može se konstatovati sljedeće:

- kod planiranja rada Vijeća težilo se da se obuhvate pitanja koja su u neposrednoj funkciji ostvarivanja uloge Vijeća, ostavljajući istovremeno mogućnost da se uvrste teme koje, kao aktuelne, nametnu novi životni tokovi;
- nastavljena je praksa izbjegavanja izrade preširokih programa rada koji ne omogućavaju da se objektivno posveti dovoljno pažnje aktuelnim tekućim pitanjima;

- radi efikasnijeg pregleda rada gradske uprave Vijeće je razmatralo Izvještaj o radu gradske uprave i Gradonačelnika s posebnim osvrtom na upravno rješavanje;

- radi postizanja veće efikasnosti rada Vijeća insistiralo se na blagovremenoj realizaciji donesenih odluka i zaključaka. Efikasnost rada Vijeća postignuta je i organizovanjem video prezentacija aktuelnih tema na samoj sjednici Vijeća, a naročito prezentacije projektnih rješenja, te dostavom materijala informativnog karaktera o kome se Vijeće nije izjašnjavalo;

- ispoštovano je i načelo javnosti rada i dostupnosti informacija, a značajniji akti i sjednički materijali blagovremeno su objavljeni na web stranici Grada, posebno u toku javne rasprave;

- upućen je niz zahtjeva i inicijativa Vladi ZE-DO kantona i Vladi FBiH, te nadležnim subjektima u BiH.

Neophodno je istaknuti i rad predsjedavajućeg Gradskog vijeća i Radnog predsjedništva Gradskog vijeća koji su redovno analizirali rad Vijeća, vršili selekciju prijedloga materijala i utvrđivali dnevni red, vodeći računa da isti ne bude preobiman, iako se dešavalo da je zbog svoje strukture, rokova i hitnosti materijala, ponekad bio nešto obimniji.

* * * *

Iz naprijed izloženog može se zaključiti da je Gradsko vijeće u izvještajnom periodu gotovo u potpunosti realizovalo Program rada Gradskog vijeća za 2022. godinu s tim da su nerealizovane teme u fazi pripreme ili su uvrštene u Program rada Gradskog vijeća za 2023. godinu. Vijeće je pored realizacije Programa rada Vijeća, bilo otvoreno za sva značajna i aktuelna pitanja uz nastojanje da se nastavi s trendom stvaranja pozitivnog ambijenta u sferi ekonomije i poduzetništva i prostornog uređenja što je često praćeno prezentacijom projektnih rješenja. Vijeće je iskazalo posebnu brigu u oblasti zaštite životne sredine i oblasti prostornog uređenja ne zanemarujući ni pružanje pomoći licima u stanju socijalne potrebe, počev od rada Gradske narodne kuhinje.

Preciznija ilustracija rada i djelovanja Vijeća u 2022. godini data je kroz Pregled akata koje je Vijeće donijelo u izvještajnom periodu i realizaciju zaključaka, koji čine sastavni dio ovog Izvještaja.

**STRUČNA SLUŽBA
I SEKRETAR GRADSKOG VIJEĆA**